

【國家社會科學基金重大項目】

何達明 主編

中國地方志
佛道教文獻匯纂

寺觀卷

(13)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛教文獻匯纂

寺觀卷

（13）



國家圖書館出版社

中國地方志佛道教文獻匯纂·寺觀卷
天津市

薊縣志

徐葆瑩修 仇錫廷纂

民國三十三年（一九四四）鉛印本

盤勝

掛月峯在舍利塔前上銳下削乃盤山最高處

自來峯與掛月峯相連一名北臺舊有黃龍祖師殿

紫蓋峯在中盤寺五峯之中爲特尊一名中臺盤山諸利龍脈多發於此

雙峯在舞劍臺北三里兩峯並峙如丫角一名玉峰峰背有塘產玉石

九華峯一名東臺一名削玉峰在定慧寺此峰林壑佳麗岡巒挺秀清聖祖遊中盤詩
內有云中盤遙望蓮花峰之句又名蓮花峰

紅龍池在少林寺東石壁鑿紅龍騰躍水面旁鑄紅龍池三隸字字徑二尺後有帶川隸三字字徑七寸迺古可愛前有大定七年四字

定光佛舍利塔未詳其始在掛月峯上相傳除夜有佛燈之異

古佛舍利塔未詳其始在天成寺內其碑遼天慶中重修內藏神龍親奉舍利三萬餘顆明僧如芳刺血書經七年爲修塔計甫興工感白光燭天如玉橋竟日不散其塔十三級如芳僅發二級目覩舍利二千餘顆

多寶佛塔在少林寺內高二百尺至元中爲道士所壞順治末僧官仁鳳重修於寺東之龍首

六王岩在茶子菴主山上最險峭一壁凌虛千峯居下

懸石亭在懸空石上威繼光建基存

津津亭在大嶺明僧常增施茶處有石刻易飲處三字秀水項德楨書

天語軒在正法禪院內

巢雲軒在青溝禪院昔有巢雲軒在少林寺內至正間雲威建久廢

山有三盤瞭甲石爲下盤古中盤爲中盤自來峯爲上盤上盤之松中盤之石下盤之水千奇百怪駭目驚心

盤山北面最峭無路路在南面總之有三東則亂石邨入山經瞭甲石至甘露菴後岐而爲二西北上爲東溝東則由多寶佛塔過版舖上舍利塔中則蓮花池入山望天成寺逾歡喜嶺至衛公菴東折則青溝上舍利塔西則自大嶺入山經雙峯寺歷茶子菴通將軍石上舍利塔凡路皆止于舍利塔者何居蓋山之絕頂也故登山者必造頂青溝一名盤谷居盤之中羣峯圍繞水匯于一逆流而西自天成寺水口出山上有青溝禪院杏花甚盛朴嘗有詩云杏花萬樹開映日光皎潔東風過嶺來滿地翻晴雪

五盆溝當洞中有五四各丈餘能滴水故名在茶子菴主山後內有靜室無暗律師棲隱處

雙伴石在盤山東麓塔院莊北西方菴遺址前雙雙矗立石上下相隔均尺許高丈許寬四尺厚尺餘石面有痕三五酷似大人足跡根蒂則一有若孿生弟兄故曰雙伴石或曰相其形又如搗衣棒一對因亦呼之爲雙棒石云

此石未人據山
志近始得見

古中盤在遜清行宮西北十里紫蓋蓮花毘盧三峯之間康熙十七年改爲正法禪院大學士魏裔介題僧行乾傳稱寶積禪師住靜於此康熙中大博禪師重爲開拓乾隆四十年賜名慧因寺中有天語軒五松堂殿旁揮圖花宮塔院精壽堂門前有談禪石崖後有靜室名別是一天

行宮已廢

盤谷寺在遜清行宮西北十七里相傳爲唐李愿隱居處也初爲青溝禪院都御史宋犖題康熙辛亥年僧智朴建乾隆十年重修寺前有清涼石漱玉泉秩秩泉松均後有杏花阪龍首巖中有秋月堂巢雲軒選佛堂丈室題曰金湯龍象童貞殿一花現瑞萬松寺舊爲李靖菴商邱采華以前實不宜直呼其名改爲衛公庵康熙四十三年改

爲萬松寺不知建於何代崇禎中僧勝雲重修康熙中僧祥慶又新之相傳萬歷四年勝雲之祖普照禪師卓錫於此念四字佛導人爲善明萬歷年間御書清心二字徑尺許存寺中寺之西上有舞劍臺唐李藥師靖舞劍處也左有仙人橋右有藥駝石下有浮青歡喜二嶺

感化寺在遜清行宮正西一里魏田疇隱處舊名寶積寺唐貞元中建太和咸通間道宗常實二大師重修後以道士居之改爲上方元宮遼乾統七年幽州主帥清河張公奏請易元宮爲感化天順八年寶峯德聚禪師重修成化十一年勅賜廣濟寺後廢乾隆十年重修

雙峯寺在遜清行宮西北十五里雙峯下舊名重巒禪院有石碣載唐貞觀中尉遲敬德監造萬歷三十年慈聖皇太后出內帑重建至乾隆十九年重修

千像寺在遜清行宮之東北隅原名祐唐寺唐開元中建遼統和五年希悟大師重修相傳昔有尊者挈杖遠至求值足之所僧室東北隅巖下有澄泉忽見千僧洗鉢瞬息而泯後於谿谷礪石之面刻千佛像明正統中僧行明重修明善醫眼疾凡目翳瞶盲

之人聞風而至咸獲瘳後裔因習其術人謂盤山眼藥寺後有搖動石又有洞曰契真
惡山遇隱士處也

上方寺在遜清行宮西北十里許雌嶢峯之東唐太和二年道宗大師結茅於此宗遣
行碑現存寺東南隅俗傳寶積禪師隱靜處乾隆十七年重修

雲罩寺在遜清行宮西北二十里舊名降龍庵唐道宗大師建萬歷二十年勅賜雲罩
寺康熙四十三年改爲雲峯法界內有皇藏千葉寶蓮佛殿榜寺東上卽掛月峯峯頂
有舍利塔塔旁有喘氣巖後有金雞嶺南下二里有將軍石桃園洞康熙中通緒重修
乾隆八年重修

普濟寺在遜清行宮西北二十里許一名甘泉寺相傳昔爲毒龍湫唐太和中有所方
禪師結茅於此龍讓之徙山後迄今三潭爲龍居也遼金元重修碑記殘缺難考又傳
古有王子出家故寺中伽藍神女像宮粧在佛殿西北隅最高隘處遠寺廢人欲拆毀
輒不能上上卽墜下故得存康熙中僧明德住此次第修葺移伽藍像於殿左山上有
石龕居人呼爲石狗殿前有三塔列如鼎足後有小瓢洞依山築成極精雅

香水寺在遜清行宮之西三十五里唐建有頭陀大師靈塔實行碑金正隆六年中都實塔寺沙門知心撰文曰師諱行及海東新羅常興人覽茲香水偶然挂錫瀝石頭庵山精自竄拓靈源脈巖虎他之於廣明元年仲夏無疾而終門人惠超等塑以真像塔而藏之其後塔龕盡圯恒淨等重修巨塔表焉至康熙中德心禪師重修寺後有香泉古柏

天成寺在遜清行宮西北十里一名福善寺一題天成法界當翠屏峯之陽俯瞰林壑天成圖畫故名寺西南有普化和尚塔基普化唐時人寺疑唐建康熙中僧雲聯重修有古佛舍利塔翠屏峯飛帛澗涓涓泉微公塔山前有下天成原屬寺中葉園有斷碑載大遼天成福善寺贈舊葉栗園之碑又有斷石輶載叔孝天祐皇帝云云

少林寺在遜清行宮西北六里舊名法興寺至元中道士張志格等遊盤山借居於此因易名爲棲雲觀至正中巢雲威禪師主之宣政院使脫公具奏賜額爲北少林寺明成化己丑寶峯德聚禪師重修嘉靖丁亥又修康熙中僧本住再修乾隆十年又重修西有華嚴洞大松棚東有紅龍池多寶佛塔下有石曰菱角曰帳房曰蟒再下有石曰

瞭甲皆奇秀

天香寺在遜清行宮西北五里舊名妙祥禪院唐建祐元年重修內有石幢刻云當寺賜紫沙門圓明聰慧大師塔貞元二年建乾隆九年重修後有降香石龍亭石

靈岩寺在甘泉寺西南不知何代所建舊碣謂自唐宋以來七百餘歲蓋古刹也東岩有水自上滴滴漏下鏗然有聲歷久旱不竭而僧衆咸賴寺之得名蓋以是

白巖寺在遜清行宮正東十里盤山東盡處建自唐代遼天顯十一年重修有元僧恒志碑記又有慶壽提點裕公塔銘金大定中重修明天順中香林蘊空禪師退隱於此號曰白岩叟寺北有九華峯此峯林壑佳麗岡帶秀挺

靜安寺在白岩寺東十里舊名醴泉院遼道宗賜額淨名寺金大定中改今名報國寺在遜清行宮北十二里元至元中國悟禪師重修後廢乾隆二十七年重修前有黑龍潭又前一里許有燕子石

龍泉寺一名暗嶠寺元至正中僧順結茅明成化六年僧悟興開建正德五年重修殿前古樹皆千年物寺南二里亦有龍泉寺遺基

報恩寺明正統四年重修萬歷四十五年尼宏存再葺

雲淨寺在遜清行宮北十里舊名淨業庵康熙四十三年改爲雲淨寺萬歷中蔡來峯建崇禎中僧無暗重修康熙中其徒擴其基而新之庵內有石幢刊本師惠凝和尚大安八年九月朔門人棲洞等建疑庵亦遼金故址也

青峯寺在遜清行宮西北十九里青楊峪一名青峯庵正德中僧德果重修萬歷中常淨葺之康熙辛亥僧隆寶再葺乾隆十九年重修內有聖水井

法藏寺在遜清行宮西北十七里一名茶子庵成化中重修康熙中僧養心又修殿左有古松盤山第一住僧實乎擬建東廂此松微有礙欲伐之夜夢一碩士風流儒雅揖而告曰吾住此山久矣師奈何促吾行僧覺其異遂不敢伐前有法船石

金山寺一名四門塔光啟二年建有石碣存稱薊州大夫張公修造此寺又有國子監祭酒張峒題詩勒石薊州大夫峒之仲孫也下有五盆溝

招提寺一名先師臺相傳黃龍禪師熏修處萬歷間蔡如蕙重修陶望齡撰文後有漁陽獨控四字陶有學書前有古塔疑爲黃龍塔然無據西有說法臺東有仙人石下有

井深三丈餘塊石鑿成旁有瀑泉二字再下有先師臺三字再下有奇觀二字再下有東五臺三字以上字俱鑿石壁徑二三尺許此盤山之最高敞處也推窗千里宛在几席

東竺庵在遜清行宮北十二里去上方寺二里松樹峪舊名彌陀庵乾隆二十七年重修庵南有燕剪石

聖泉庵在山後昔爲羅總兵佔作別墅未久羅卽罹禍廢今呼爲羅家城

白巖庵在九華峯前明崇禎時修建今廢

淨土庵有二一在西甘澗康熙中重修庵後有石龜一在塔院莊北三里今圯

瑞雲庵在遜清行宮東南一里不知建於何代金大安中重修乾隆十年重修西去半里有朝陽洞

觀音庵有二一在東甘澗康熙中姜和尚重修門外亦有古松松下有蒲團石天井石童子石皆以形肖得名一在破關峪僧性良重修

中盤寺與少林寺相連不知建於何代寶峯禪師修內有中盤二字明楊忠裕書寺前

題詠石刻最多寺西北有華嚴洞

劉家庵在上甘洲內有青峯庵舍山碑載山界四至甚悉去庵西南三十步有洞最高爽可供遠眺崇禎甲申居人避亂於此今崩壞惟洞中石柱存焉庵東北有石舫擁背石後有飛翠巖

法常寺在玉石村西惟有石幢古井在焉

水月庵俗名沙嶺萬歷中殷司徒建庵於此南有泉自石龍口出涓涓不涸

大慈庵一名五峯庵萬歷中僧常增建庵前有津津亭壯繆祠

報國庵在淨業庵西南二里

華嚴庵在黑塔峪

接引庵在版鋪

朝陽庵在盤嶺南俗呼柴背康熙中僧通道建

翠雲庵無考白塔前石壁刻翠雲庵三字

秀峯庵在盧家峪明正德時建後有守貞洞

龍泉庵碑刻正德九年僧貞義重修今基存庵廢右有池深不可測
繼靖庵俗呼旱店在淨業庵東十里今圯

西方庵在塔院北三里今圯

大悲庵在千像寺東北二里故址無考康熙中僧通道結茅居焉

龍鳳庵在上方寺西南始建歲月無攷塊石爲基基闊二丈五尺高一丈五尺刻大方
廣三字徑八尺

甘露庵在少林寺前乃入山孔道康熙二十七年溟波和尚建草房五楹俗稱十方院
今圯

東甘澗在遜清行宮西北十二里乾隆十七年重修

西甘澗在遜清行宮西北十一里

五盆靜室在五盆溝北今圯

西架靜室在上方寺西康熙中通起重修

東架靜室在上方寺東今廢

黑石峪靜室在上方寺東南一里今圯

茶子庵東靜室康熙中僧百忍建修

中盤西靜室凡三處

少林東靜室在少林寺東南一里

九兒峪靜室在淨業庵南二里

關帝廟四處一在盧家峪一在田家峪一在塔院莊一在怪子峪

藥王廟在怪子峪今圯

山神廟三處一在玉石塘北一在田家峪東一在龍泉寺側五道廟在亂石邨東

淨名寺金大定中改今名

古蹟

石佛廟在車道峪村北廟以五石築成高七尺長六尺餘兩石爲前後坡均鑿成瓦甍中有脊兩端有獸頭兩山亦鑿成披水花邊刻工甚精廟前有碑除萬曆年三字尙可辨認餘均模糊剝泐無以考創建之年代矣石佛業於民初被人盜去尤爲可惜

大掠馬莊東有土城相傳係唐太宗征高麗時所築每重陽節多有登城流覽者惜土城旁培有磚瓦窰歷年取土已無城形又莊內觀音寺右有白菓樹銀杏一株幹圍七圍陰可一畝洵大樹也相傳築城時所栽雖古老而枝葉猶茂誠宜愛護之矣